

主 編 卞甫
副 主 編 陳玉宇

明代基本史料叢刊・文集卷
(第一輯)

『洪武、建文朝』

八

綫裝書局

誠意伯文集

四部叢刊集部

上海涵芬樓借印
烏程許氏藏明刊
本原書版匡高營
造尺六寸五分寬
四寸五分

誠意伯劉文成公文集序

余弱齡侍家長者談國初翊
運諸名臣輒疑聽之憬然有
懷焉長而宦遊四方竊願表
揚先哲博綜其遺文頗喜善
本若宋文憲公諸集海內翻

刻者幾刻益良劉宋匹也其
文獨刻於枯蒼歲久字訛舛
板又漫漶莫或新之者余奉
命按行東浙以辨香謁公祠下
詢遺文僅覩此編愾而歎曰
嗟乎逝將以功業揜文章耶

何善本之寡也屬太守陳君
烈萃諸文學重加訂正付於
良梓俾海內同好者共焉序

曰

高皇帝呼劉伯溫爲吾子房蓋
開國首功云然子房自二三

籌畫之外其言論風旨不少
概見而公著書之多乃若此
何哉說者謂子房授書黃石
舒卷如龍雖神機時出竟善
藏其用塞兌閉門不迫不應
爲得老氏之術公剛毅慷慨

持大節留心經濟既遇

真主期以王道致太平卻小明
王御座諸正論義形於色危
行危言

高皇帝天威嚴重惟公抗辭不
以利害怵其中振綱紀斥姦

言二小
三
愿雖李善長亦忌諂之况胡
惟庸乎考公履歷豈孔氏所
謂以道事君者非耶漢文成
侯我

明文成公上下相符合特帷幄
中諸籌畫耳公守孔氏家法

多著書貽後世不若子房之
秘密宜也夫其玄機洞鑒神
啓於中天之所授以輔

開天之聖妙筭所紆乘時輶發
載在國史者既與雲漢同其
昭回其諸喻志之說觀物之

篇憤世之詞，羈旅之幽思，薄遊之清況，與夫

廟堂之所述，作士大夫之所應酬，又浩浩如江河，嶽嶽如山，嶽醺如惠風，朗如景星，麗如卿雲，無意擬古而神情悠邈。

才氣雄豪體裁音節如庖丁
解牛靡不中於自然者公之
文章與其功業並傳無斁恢
恢乎有餘芳矣余受觀風之
寄光昭往訓樹之風聲為世
型範何敢讓哉或曰留侯子

辟疆方少年能策制諸呂計
安劉氏而公仲子璟不忘嗣
君卒全大節茲亦兩文成胤
嗣之相似者劉氏子孫當世
世敬修也因附及之

隆慶壬申仲春望日巡按浙

江監察御史後學豫章謝廷
傑頓首拜書

謝安集卷之六

寫情集序

寫情集者誠意伯栝蒼劉先生
六引三調之清唱四上九成之
至音也先生生於元季蚤蘊伊
呂之志遭時變更命世之才沉
於下僚浩然之氣阨於不用因